

KKAPASAL REL HOUSE LEGISLATIVE INITIATIVE 18-1

Article XII ebwe ayooora ngáli fiischal rel yááyál Permanent me Long-term rel falúw melól Commonwealth reer aramas kka re Northern Marianas Descent. House Legislative Initiative 18-1 (HL 18-1) re pommwoli bwe ebwe liwil ngaliir schóókka emmwel “ngáre Northern Marianas Descent” faal Section 4 rel Article XII sáangi Northern Mariana Islands Constitution.

Ighila, faal Section 4, ngáre mwáál me schóóbwut re yáschóó llong lóll Northern Mariana Descent ngáre---

(1) Eyoora eghús one-quarter ($\frac{1}{4}$) Northern Mariana Descent bwe Remaraalis me ngáre Northern Mariana Descent bwe Refaluwasch, me aweewel rel igha re yáschóó meleyiir; ME NGÁRE

(2) Áát-we re mweimwey sáangi Northern Mariana Descent me igha rebwal mweiti nge esáál aluuló seigh me waluuw rághil.

HLI 18-1 POMWOL REBWE AMEENDÁLI SECTION 4 IYE ELLO TÁLIL;

(1) Rebwe aweewey ghooghól aramasal Northern Marianas Descent bwe aramas iye eyoor “eghús” tchaar Remaaris me ngáre Refaluwasch bwe ipiigh aramasal Marianas me téé kka efáng.

(2) Rebwe fféer mwóghutughút rel Imwal Aweewe bwe rebwe mmwel rebwe aalleta kkapasal ngáre aramas we eyoor ngáre igha bwal eghús ($\frac{1}{4}$ one quarter) remaaris me refaluwasch bwe ipiigh aramasal Marianas me téé kka efáng.

(3) Ebwe liwil mwóghutughutúl mille mweimwey reer ipiigh aramasal Marianas me téé kka efáng bwe rel áát ie esóór schaagh tchaal bwe ipiigh aramasal Marianas me téé kka efáng nge resóóbw ráághiiyló bwe Northern Mariana Descent inamwo igha áát we esáál aluuló seigh me waluuw rághil.

Ngáre ebwe yoora Constitutional Convention bwe rebwe pomwol liwil ngáli Constitution?

Faal Tálil 2 sáangi Article XVIII rel Constitution, schóól lléghúl allégh rebwe iisis ngáliir schóól Bwoota ayégh, “ Ngáre ebwe yoora Constitutional Convention bwe rebwe pomwol liwil ngáli Constitution?” E llégh ló House bill 18-5 lóll Imwal Schóól Lléghúl Allégh, “rel pomwol igha rebwe akkatootowow rel schóól Bwoota lóll Commonwealth rel General Election iye ekke tootto aiyégh iye: Ngáre ebwe yoora Constitutional Convention bwe rebwe pomwol liwil ngáli Constitution?” Iwe, ra iisisiwoow aiyégh reer schóól Bwoota.

